

小學  
科用

十八史略

吉田 荻三 訓點

附  
地圖

卷一

特31

731

東京圖書館

函	門
架	部
號	類

003133-000-4

特31-731

十八史略 (小学科用) 卷1

吉田 荻三/点

M15

ACC-1202






曾先之先生編次  
吉田菽三 訓點

小學科用  
十八史略  
附沿革地圖

大阪 東洋館梓



十八史略目錄

卷第一

太古 三皇 五帝

夏 殷 周

春秋戰國

卷第二

秦 西漢

卷第三

東漢 三國 西晉

卷第四

東晉 南北朝 隋

特31  
731



特31  
731

曾先之先生編次  
吉田菴三訓點

小學  
科用  
十八史略  
附沿革  
地圖

大阪

東洋館



十八史略目錄

卷第一

太古

三皇

五帝

夏

殷

周

春秋戰國

卷第二

秦

西漢

卷第三

東漢

三國

西晉

卷第四

東晉

南北朝

隋



卷第五

唐

卷第六

五代

宋上

卷第七

宋下

南宋

目錄終

十八史略卷之一

前進士廬陵

曾先之

編次

後學臨川

陳殷

音釋

番禺松塢

王逢

點校

建陽縣丞南康何景春

指俸刊

太古

日本

吉田荻三

訓點

天皇氏以木德ヲ王歲起攝提無為而化兄弟十二人各一萬八千歲  
 地皇氏以火德ヲ王兄弟十二人各一萬八千歲  
 人皇氏兄弟九人分長九州凡一百五十世合四萬五千  
 六百年人皇以後有曰有巢氏構木為巢食木實至燧人  
 氏始鑽燧教人火食在書契以前年代國都不可攷



三皇

太昊伏羲氏

太昊伏羲氏風姓代燧人氏而王蛇身人首始畫八卦造書契以代結繩之政制嫁娶以儷皮為禮結網罟教佃漁養犧牲以庖厨故曰庖犧有龍瑞以龍紀官號龍師木德王都於陳庖犧崩女媧氏立亦風姓木德王始作笙簧諸侯有共工氏與祝融戰不勝而怒乃頭觸不周山崩天柱折地維缺女媧乃鍊五色石以補天斷鰲足以立四極聚蘆灰以止滔水於是地平天成不改舊物女媧氏沒有共工氏太庭氏柏皇氏中央氏歷陸氏驪連氏赫胥氏尊盧氏混沌氏昊英氏朱襄氏葛天氏陰康氏無懷氏風姓相

承者十五世

炎帝神農氏

炎帝神農氏姜姓人身牛首繼風姓而立火德王斲木為耜採木為耒始教畊作蜡祭以楮鞭鞭草木嘗百草始有醫藥教人日中為市交易而退都於陳徙曲阜傳帝承帝臨帝則帝百帝來帝襄帝榆姜姓凡八世五百一十年

黃帝軒轅氏

黃帝公孫姓又曰姬姓名軒轅有熊國君少典子也母見太電繞北斗樞星感而生帝炎帝世衰諸侯相侵伐軒轅乃習用干戈以征不享諸侯咸歸之與炎帝戰于阪泉之野克之蚩尤作亂其人銅鐵額能作大霧軒轅作指南車



與蚩尤戰於涿鹿之野。禽之。遂代炎帝為天子。主德。王以雲紀官。為雲師。作舟車。以濟不通。得風后。為相。力牧為將。受河圖。見日月星辰之象。始有星官之書。師太撓占斗。建作甲子。容成造曆。隸首作算數。伶倫取嶰谷之竹。制十二律。簫以聽鳳鳴。雄鳴六。雌鳴六。以黃鐘之宮。生六律。六呂。以候氣。應鑄十二鐘。以和五音。嘗晝寢。夢遊華胥之國。怡然自得。其後天下大治。幾若華胥。世傳黃帝采銅鑄鼎。鼎成。有龍垂胡鬚下迎。帝騎龍上天。群臣後宮從者七十餘人。小臣不得上。悉持龍鬚。龍鬚拔。墮弓抱其弓。而號。後世名其處曰鼎湖。其弓曰烏號。黃帝二十五子。其得姓者十四。五帝。

少昊金天氏

少昊金天氏。名玄囂。黃帝之子也。亦曰青陽。其立也。鳳鳥適至。以鳥紀官。

顓頊高陽氏

顓頊高陽氏。昌意之子。黃帝孫也。代少昊而立。少昊之衰。九黎亂德。民神雜糅。不可方物。顓頊受之。乃命南正重司天。以屬神。火正黎司地。以屬民。使無相侵瀆。始作曆。以孟春為元。

帝嚳高辛氏

帝嚳高辛氏。玄囂之子。黃帝曾孫也。生而神靈。自言其名。代顓頊而立。居於亳。



帝堯陶唐氏

帝堯陶唐氏伊祁姓或曰名放勳帝嚳子也其仁如天其知如神就之如日望之如雲都平陽節茨不剪土階三等。有草生庭十五日以前日生一葉以後日落一葉月小盡則一葉厭而不落名曰背葉觀之以知旬朔治天下五十年不知天下治歟不治歟億兆願戴已歟不願戴已歟問左右不知問外朝不知問在野不知乃微服游於康衢聞童謠曰立我烝民莫匪爾極不識不知順帝之則有老人含哺鼓腹擊壤而歌曰日出而作日入而息鑿井而飲耕田而食帝力何有於我哉觀于華華封人曰嘻請祝聖人使聖人壽富多男子堯曰辭多男子則多懼富則多事壽則多辱封人曰天生萬民必授之職多男子而授之職何懼之有富而使人分之何事之有天下有道與物皆自天。下無道脩德就間千歲厭世去而上僊乘彼白雲至于帝鄉何辱之有堯立七十年有九年之水使鯀治之九載弗績堯老倦于勤四嶽舉舜攝行天下事堯子丹朱不肖乃薦舜於天堯崩舜即位

帝舜有虞氏

帝舜有虞氏姚姓或曰名重華瞽瞍之子顓頊六世孫也父惑於後妻愛少子象常欲殺舜舜盡孝悌之道烝烝又。不格姦畔歷山民皆讓畔漁雷澤人皆讓居陶河濱器不。苦窳所居成聚二年成邑三年成都堯聞之聰明舉於畎



畝妻以二女曰娥黃女英。釐降于媯汭。遂相堯攝政。放驩  
兜。流共工。殛鯀。竦三苗。舉才子八元。八愷。命九官。咨十二  
牧。四海之內咸戴舜功。彈五絃之琴。歌南風之詩。而天下  
治。詩曰。南風之薰兮。可以解吾民之愠兮。南風之時兮。可  
以阜吾民之財兮。時景星出。卿雲興。百工相和而歌曰。卿  
雲爛兮。禮繚繚兮。日月光華。且復且兮。舜子商均不肖。乃  
薦禹於天。舜南巡狩。崩於蒼梧之野。禹即位。

夏后氏

夏后氏禹。姒姓。或曰名文命。鯀之子。顓頊孫也。鯀湮洪水。  
舜舉禹。代鯀。勞身焦思。居外十三年。過家門不入。陸行乘  
車。水行乘船。泥行乘橈。山行乘橐。開九州。通九道。陂九澤。

度九山。告厥成功。舜嘉之。使率百官行天下事。舜崩。乃踐  
位。聲為律。身為度。左準繩。右規矩。一饋十起。以勞天下之  
民。出見罪人。下車問而泣曰。堯舜之人。以堯舜之心。為心。  
寡人為君。百姓各自以其心為心。寡人痛之。古有醴酪。至  
禹時。儀狄作酒。禹飲而甘之。曰。後世必有以酒亡國者。遂  
疏儀狄。收九牧之金。鑄九鼎。三豆象三德。以享上帝鬼神。  
會諸侯於塗山。執玉帛者萬國。禹濟江。黃龍負舟。舟中人  
懼。禹仰天歎曰。吾受命於天。竭力而勞萬民。生寄也。死歸  
也。視龍猶蝦蟇。顏色不變。龍俛首。依尾而逝。南巡至會稽  
山而崩。子啓賢。能繼禹道。禹嘗薦益於天。謳歌朝覲者不  
之益而之啓。曰。吾君之子也。啓遂立。有扈氏無道。啓與戰。



于其啓崩子太康立盤遊弗返有窮后羿立其弟仲康而  
專其政義和守義不服羿假王命命胤侯征之仲康崩子  
相立羿逐相自立嬖臣寒浞又殺羿自立相之后有仍國  
君女也方娠奔有仍而生少康其後少康有田一成有衆  
一旅因夏舊臣靡舉兵滅浞而復禹之績自少康以來歷  
王杼王槐王芒王泄王不降王扃王厘至王孔甲好鬼神  
事淫亂夏德衰天降二龍有雌雄陶唐氏之後有劉累者  
學擾龍以事孔甲賜之姓曰御龍氏龍一雌死潛醢以食  
孔甲復求之累懼而逃孔甲之後歷王皋王啟王履癸號  
為桀貪虐力能伸鐵鈎索伐有施氏有施以未喜女焉有  
寵所言皆從為傾宮瑤臺殫民財肉山脯林酒池可以運  
船糟塹可以望十里一鼓而牛飲者三千人未喜以為樂  
國人大崩湯伐夏桀走鳴條而死夏為天子十有七世  
凡四百三十二年

殷

殷王成湯子姓名履其先曰契帝嚳子也母簡狄有娥氏  
女見玄鳥墮卵吞之生契為唐虞司徒封於商賜姓傅昭  
明相士昌若曹圉曰冥曰振曰微曰報丁報乙報丙主壬  
主癸主癸子天乙是為湯始居亳後先王居使人以幣聘  
伊尹于莘進之夏桀不用尹復歸湯桀殺諫者閔龍逢湯  
使人哭之桀怒召湯囚夏臺已而得釋湯出見有張網四  
面而祝之曰從天降從地出從四方來者皆罹吾網湯曰



嗜盡之矣。乃解其三面。改祝曰：欲左左，欲右右，不用命者，入吾網。諸侯聞之，曰：湯德至矣。及禽獸，伊尹相，湯伐桀，放之南巢。諸侯尊湯為天子。大旱七年，太史占之，曰：當以人禱。湯曰：吾所以為請者，民也。若必以人禱，吾請自當。遂齋戒，剪爪，斷髮，素車白馬，身嬰白茆，以身為犧牲，禱于桑林之野。以六事自責，曰：政不節，斂民失職，斂官室崇，斂女謁，盛斂苞苴，行與讒。夫昌歟！言未已，大雨方數千里。湯崩，太子太丁早卒，次子外丙立。二年崩，弟仲壬立。四年崩，太丁之子太甲立。不明，伊尹放之桐宮，居憂三年，悔過自責，尹乃奉歸。亳修德，諸侯歸之。自太甲歷沃丁、太庚、小甲、雍己、至太戊，亳有祥，桑穀共生于朝。一日暮，大拱，伊陟曰：妖不勝。

德君其脩德。太戊修先王之政，二日而祥，桑枯死，殷道復興。號稱中宗。自太戊歷仲丁、外壬、至河亶甲，避水患，遷于相。至祖乙，居耿，又圯于耿。歷祖辛、沃甲、祖丁、南庚、陽甲，至盤庚，自耿復遷于亳。殷道復興。自盤庚歷小辛、小乙，至武丁，夢得良弼，曰：說說為香靡，築于傅巖，求得之，立為相。武丁祭湯，有飛雉升鼎而雉，武丁懼，而反已，殷道復興。號稱高宗。自武丁歷祖庚、祖甲、廩辛、庚丁，至武乙，無道，為偶人，謂之天神，與之博，令人為行，天神不勝，乃僂辱之，為革囊，盛血，仰射之，命曰射天，出獵為暴，雷震死。歷太丁、帝乙，至帝辛，名受，號為紂，資辯捷疾，手格猛獸，智足以拒諫，言足以飾非。始為象箸，箕子歎曰：彼為象箸，必不盛以土簋。將



為王杯。王杯象箸，必不羹藜藿，衣短褐，而舍於茨之下。則錦衣九重，高臺廣室，稱此以求天下不足矣。紂伐有蘇氏，有蘇以妲己女焉。有寵，其言皆從，厚賦稅以實鹿臺之財。盈鉅橋之粟，廣沙丘苑臺，以酒為池，縣肉為林，為長夜之飲。百姓怨望，諸侯有畔者，紂乃重刑辟，為銅柱以膏塗之，加於炭火之上，使有罪者緣之，足滑墜水中，與妲己觀之大樂。名曰炮烙之刑，淫虐甚，庶民微子數諫，不從去之。比干諫，三日不去，紂怒曰：「吾聞聖人之心有七竅，剖而觀其心。」箕子佯狂為奴，紂囚之。殷大師持其樂器祭器奔周。侯、甸、及九侯、鄂侯為紂三公，紂殺九侯、鄂侯，爭并脯之。昌聞而歎息，紂囚昌，爰里昌之臣散宜生求美女珠寶進，紂大悅，乃釋昌。昌退而修德，諸侯多叛，紂歸之。昌卒，子叢立，率諸侯伐紂，紂敗，子牧野衣寶玉，自焚死。殷亡，箕子後朝周，過故殷墟，傷宮室毀壞，生禾黍，欲哭不可欲泣，則為近婦人，乃作麥秀之歌曰：「麥秀漸漸兮，禾黍油油兮，彼狡童兮，不與我好兮。殷民聞之，皆流涕。」殷為天子三十

一世，六百二十九年。

周

周武王姬姓名發，后稷之十六世孫也。后稷名棄，棄母曰姜嫄，為帝嚳元妃。出野見巨人跡，心欣然踐之，生棄，以為不祥，棄之隘巷。馬牛避不踐，後置山林，適會林中多人遷之水上，鳥覆翼之，以為神，遂收之。兒時屹如巨人之志，其



游戲好種樹及成人能相地之宜教民稼穡興於陶唐虞夏之際為農師封于郟別其姓號后稷卒子不窋立夏后氏政衰不窋失其官奔戎狄之間不窋卒子鞠立鞠卒子公劉立復修后稷之業務耕種百姓懷之公劉卒子慶節立國於豳歷皇僕參弗毀隄公非高圉亞圉公叔鉏至古公亶父獫狁攻之去豳渡漆沮踰梁山邑於岐山下居焉豳人曰仁人也不可失扶老携幼以從他旁國皆歸之古公長子太伯次虞仲其妃太姜生少子季歷季歷娶太任生昌有聖瑞太伯虞仲知古公欲立季歷以傳昌乃如荆蠻斷髮文身以讓季歷古公卒公季立公季卒昌立為西伯西伯修德諸侯歸之虞芮爭田不能決乃如周入界見

畊者皆遜畔民俗皆讓長二人慙相謂曰吾所爭周人所耻乃不見西伯而還俱讓其田不取漢南歸西伯者四十一國皆以為受命之君三分天下有其二有呂尚者東海上人窮困年老漁釣至周西伯將獵卜之曰非龍非鸞非熊非羆非虎非龜所獲霸王之輔果遇呂尚於渭水之陽與語大悅曰自吾先君太公曰當有聖人適周周因以興子真是耶吾太公望子久矣故號之曰太公望載與俱歸立為師謂之師尚父西伯卒子蒞立是為武王東觀兵至於盟津白魚入王舟中王府取以祭既渡有火自上復于下至于王屋流為鳥其色赤其聲魄是時諸侯不期而會者八百皆曰紂可伐矣王不可引歸紂不悛王乃伐紂載西



伯木主以行。伯夷叔齊叩馬諫曰：父死不葬，爰及干戈，可謂孝乎？以臣弑君，可謂仁乎？左右欲兵之。太公曰：義士也。扶而去之。王既滅殷，為天子，追尊古公為太王，公季為王季，西伯為文王。天下宗周，伯夷叔齊耻之，不食周粟，隱於首陽山，作歌曰：登彼西山兮，采其薇矣。以暴易暴兮，不知其非矣。神農虞夏忽焉沒兮，我安適歸矣。于嗟徂兮，命之衰矣。遂餓而死。武王崩，太子誦立，是為成王。成王幼，周公位冢宰，攝政。管叔蔡叔流言曰：公將不利於孺子，與武庚作亂。武庚者，武王所立紂子祿父，為殷後者也。周公東征，誅武庚，管叔放，蔡叔王長。周公歸政，初武王作鎬京，謂之宗周，是為西都。將營洛邑，未果。王欲如武王之志，召公遂

相宅。周公至洛，築王城，是為東都。以洛為天下中，四方入貢，道里均也。王居西都，而朝會諸侯於東都。周公召公相，成王為左右，人自陝以西，召公主之。自陝以東，周公主之。交趾南有越裳氏，重譯而來，獻白雉，曰：吾受命國之黃考，天無烈風淫雨，海不揚波，三年矣。意者中國有聖人乎？周公歸之。王薦于宗廟，使者迷歸路。周公錫以駟車五乘，皆為指南之制，使者載之。由扶南林邑海際，暮年而至國。故指南車常為先導，示服遠人。而正四方。成王崩，子釗立，成康之際，天下安寧，刑錯四十餘年不用。康王崩，子昭立，昭王南巡狩，至楚，以膠舟載之，溺，不返。子穆王滿立，有造父者，以善御幸於王，得八駿馬，遊行天下，將皆




有車轍馬跡。王西巡。世傳王以此時觴而王母瑤池上樂而忘歸。徐偃王作亂。造父御王長驅。歸救亂。告楚伐徐。徐敗。王將征。大戎奈公謀。父諫曰。先王耀德。不觀兵。王不聽。征之。得四白狼。四白鹿。以歸。自是荒服不至。諸侯不睦。崩。子共王繫扈立。崩。子懿王囂立。崩。弟孝王辟方立。崩。子夷王癸立。下堂而見諸侯。楚始僭稱王。夷王崩。子厲王胡立。無道。暴虐侈傲。得衛巫使監國人之謗者。以告則殺之。道路以目。王喜曰。吾能弭謗矣。或曰。是障也。防民之口。甚於防川。水壅而潰。傷人必多。王弗聽。於是國人相與畔。王出奔彘。二相周召共理國事。曰共和者。十四年。而王崩。子宣王靜立。任賢使能。有召穆公。方叔。尹吉甫。仲山甫等。為政於

內外。王化復行。周室中興焉。崩。子幽王宮涅立。初夏。后氏之世。有二龍降于庭。曰予褒之二君。卜藏其祭。歷夏殷莫敢發。周人發之。祭化為龍。童童妾遇之而孕。生女。棄之。宣王時有童謠曰。歷弧箕服。實亡周國。適有鬻是器者。宣王使執之。其人逃於道。見棄女。哀其夜號而取之。逸於褒。至幽王之時。褒人有罪。入是女於王。是為褒姒。王嬖之。至則舉烽火。召其兵來。援乃無故舉火。諸侯悉至。而無寇。褒姒大笑。王廢申后及太子宜臼。以褒姒為后。其子伯服為太子。宜臼奔申。王求殺之。弗得。伐申。申侯召大戎攻王。王舉烽火。徵兵不至。大戎殺王。驪山下之褒姒不好笑。王欲其笑。萬方不笑。故王與諸侯約有寇。諸侯立宜臼。是為平王。以西




都通於我。後居東都干城時。周室衰微。諸侯強并弱。齊楚秦晉始大。平王之四十九年。即魯隱公之元年。其後孔子修春秋。始此平王崩。太子之子桓王林立。崩子莊王佗立。崩子釐王胡齊立。齊桓公始霸。釐王崩子惠王闔立。崩子襄王鄭立。晉文公始霸。襄王崩子頃王壬匡立。崩子匡王班立。崩弟定王瑜立。楚莊王使入問鼎輕重。王孫滿卻之。定王崩子簡王夷立。吳始僭稱王。簡王崩子靈王泄心立。孔子生於其時。靈王崩子景王貴立。崩子悼王猛立。弟思王叔帶襲弑之。而自立。少弟考王鬼又攻殺思王。時敬王崩子元王仁立。崩子貞定王仄立。崩子哀王去疾立。庶弟子朝弑之。晉人攻子朝而立敬王丐。孔子死於其而自立。崩子威烈王午立。晉趙氏魏氏韓氏始侯。周自東遷以來。及是二十世而愈微。諸侯用兵爭強。號為戰國。威烈王崩子安王驕立。齊田氏始侯。安王崩子烈王喜立。崩弟顯王扁立。諸侯皆僭稱王。顯王崩子慎靚王定立。崩子赧王延立。五十九年。與諸侯約從攻秦。秦昭王攻周。赧王奔秦。頓首受罪。盡獻其邑。秦受獻而歸赧王於周。以卒。周為天子三十七世。初夏亡。九鼎遷殷。殷亡。遷周成王定鼎於郊。鄆卜曰。傳世三十。歷年七百。至是乃過其歷。凡八百六十七年。






博  
八  
史  
卷  
一  
廿  
三







夏殷間之圖




例	凡
○	九州
五嶺	分州
	音古邱
	五岳










# 周之圖

例 凡

○	□	九州
○	○	古都
○	○	侯國或黑岡



朝鮮

○東海  
○四夷

越東

七國

豫章

彭越

九江

漢中

秦

魏

趙

燕

齊

魯

宋

鄭

衛

邢

曹

滕

薛

杞

宋

鄭

衛

邢

曹

滕

薛

杞

宋

鄭

衛

邢

曹

滕

薛

杞

宋

鄭

衛

邢

曹

滕

薛

杞

宋

鄭

衛

邢

曹

滕

薛

杞

宋

鄭

衛

邢

曹

滕

薛

杞

宋

鄭

衛

邢

曹

滕

薛

杞



明治十五年四月一日出版御届

兵庫縣平民 定價九錢五厘

訓點者 吉田 荻三

播磨國美囊郡加佐村一番地  
大坂府平民

出板人 梶田 喜藏

東區北久寶寺町甲目十四番地

同

同 山口 恒七

東區北久太郎町甲目五十三番地

發賣所

船井政太郎

神戸元町



